

陝西通志

第三
函
十冊

陝西通志第三十六卷

驛傳

置郵設館賓旅如歸皇華原隰四牡駢駢濟蒲槎穩入棧磴危封
人候吏征夫所依斧資餽牽剉秣紮維旣戒繹騷亦嚴廢弛虎符
合節羽檄交馳往來迅駛職有攸司作驛傳志第十四

國朝

陝西布政使司所屬

驛遞馬三千一百七匹

原額馬三千三百三十九匹雍正七年調協甘省馬五百四匹內退回寶鷄縣馬三十四

匹外又雍正九年買補馬二百三十八匹

馬夫一千五百六十三名半

原額馬夫一千六百七十九名半除雍正七年調協甘馬實裁馬二百三十二

匹馬夫一百一十六名

夫馬工料站支銀一十萬五千三百一十三兩九錢一分七釐五絲

八忽八微五纖七塵二渺八漠六沙 原額銀一十一萬二千五百一十一兩四錢六釐五毫八

絲三忽四微一纖三塵八渺六沙內除雍正七年裁解甘馬實裁銀七千一百九十七兩四錢八分九釐五毫二絲四忽五微五纖

六塵五渺二漠

遇閏加增州縣遞馬銀一千三百六十九兩七錢五分三釐二毫六

絲六忽三微二纖五塵 原額銀一千七百一十一兩二分七釐六毫內除雍正七年調協甘馬裁州縣遞馬

遇閏加增銀三百四十一兩二錢七分四釐三毫三絲三忽六微七纖五塵

榆葭邊塘安站馬除邊堡驢二百三十六頭易馬一百一十七匹外

調撥各州縣馬五百一十三匹馬夫二百五十六名半工料銀一

萬四千九百一十七兩二錢九分九釐六毫三絲二忽一微遇閏

加增銀五百二十兩九錢六分九釐二毫五絲 此項仍係各州縣微解驛道分撥

塘

雍正八年添設邊塘共二十九處馬六百零八匹 原額邊塘二十五處共馬六百三十一匹

巴內除榆林驛留馬八匹歸德堡留馬十四匹遞送往來公文外並神木縣紅柳灘二驛站各安馬十六匹較他驛站各少一匹

十年正月抽調內地馬一百九十匹協撥邊塘供應軍務每正站

添馬十匹腰站添馬五匹

此項夫馬俟大捷後卽撥回原驛凡一切工料銀兩仍係各州縣解道分發邊

塘

所損夫三千一百八十五名歲支工食銀四萬一千九百六十五兩

三錢二分一釐五毫四絲九忽一微六纖五塵五渺一漠遇閏加

增銀一千二百五十六兩四分九釐

按所損夫銀兩奏冊統入夫馬工料銀內

雍正

十年裁減所損夫五百八十四名裁工食銀六千二百九十二兩五


錢六分八釐零裁閏月銀五百七十二兩九錢二分九釐零


鋪遞共七百一十五處舖司兵共二千六百二十九名每年支工食

銀共六千九百八十七兩二錢五分三釐二毫八絲六忽零

雍正十一年增設遞運所所夫閏月工食銀二千八十兩五錢

陝省驛站圖





驛站

路東

西安府咸寧縣京兆驛

在城知縣管理東至臨潼縣五十里至新豐驛七十里

馬五十六匹馬夫三十三名歲支銀二千五百三十九兩六錢

縣馬十匹歲支銀二百二十六兩遇閏加遞馬銀五十二兩二

錢四分九釐五毫

雍正十年撥邊塘馬五匹。按撥邊塘馬銀仍係各州縣解支故槩不贅叙後並倣此

臨潼縣新豐驛

縣東二十里知縣管理東至渭南縣八十里

馬八十四匹馬夫四十五名歲支銀三千七百四十八兩四錢

縣馬五匹歲支銀一百一十三兩遇閏加遞馬銀二十六兩一

錢二分四釐七毫五絲

雍正十年撥邊塘馬五匹

渭南縣豐原驛

在城知縣管理東至華州五十里

馬八十四匹馬夫四十五名歲支銀三千七百四十八兩四錢

縣馬五匹歲支銀一百一十三兩遇閏加遞馬銀二十六兩一

錢二分四釐七毫五絲

雍正十年撥邊塘馬五匹

華州華山驛

在城知州管理東至華陰縣七十里

馬八十四匹馬夫四十五名歲支銀三千七百四十八兩四錢

州馬五匹歲支銀一百一十三兩遇閏加遞馬銀二十六兩一

錢二分四釐七毫五絲

雍正十年撥邊塘馬五匹

華陰縣潼津驛

在城知縣管理東至潼關縣四十里

馬八十四匹馬夫四十五名歲支銀三千七百四十八兩四錢

縣馬五匹歲支銀一百一十三兩遇閏加遞馬銀二十六兩一

錢二分四釐七毫五絲

雍正十年撥邊塘馬五匹

潼關縣潼關驛

在城驛丞管理東至黃河接山西省界

馬一百八匹馬夫五十七名歲支銀四千七百八十六兩八錢

雍正七年裁解甘馬十匹九年買補馬十匹又十年撥邊塘馬八匹

西安府七十里至高陵縣

高陵縣

北至富平縣五十里

馬四十匹馬夫二十名歲支銀一千四百二十三兩遇閏加馮

馬銀四十一兩八錢八釐

內撥邊塘馬十匹夫五名。雍正七年裁馬二十匹九年買補十匹實裁

十匹馬夫五名裁銀三百五十二兩裁遇閏銀

一十兩四錢五分二釐又十年撥邊塘馬二匹

富平縣

東至蒲城縣九十里

馬三十匹馬夫十七名歲支銀九百八十五兩七錢六分五釐

遇閏加馮馬銀一百九兩八錢

內撥邊塘馬十匹馬夫五名。雍正七年裁馬十六匹九年買

補六匹實裁十匹馬夫五名裁銀三百二十七兩二錢三分二釐五毫裁支直銀五兩裁遇閏銀三十六兩六錢又十年撥邊

塘馬

二匹

蒲城縣

東北至澄城縣五十里正北至白水縣五十里東南至同州七十里

馬三十匹馬夫十七名歲支銀九百五十二兩七錢九分二釐

遇閏加遞馬銀九十三兩九錢二分四釐內撥邊塘馬十四匹

裁馬十六匹馬夫八名裁銀四百八十八兩五分九釐七毫二絲二忽七微九纖五塵五渺二漠裁支直銀八兩裁遇閏銀五

十二兩九分二釐二毫五絲六忽又十年撥邊塘馬一匹

澄城縣東北至邵陽縣四十里

馬七匹馬夫三名半歲支銀二百三十一兩六錢四分四釐三

毫三絲九忽九微四纖六塵三渺二漠遇閏加遞馬銀二十七

兩八分四釐內撥邊塘馬四匹馬夫二名至雍正七年裁馬一匹九年買補一匹

邵陽縣東北至韓城縣九十里

馬七匹馬夫四名歲支銀二百四十兩八錢九分一釐四毫遇

閏加遞馬銀五十兩四錢內撥邊塘馬四匹馬夫二名。雍正七年裁馬一匹九年買補一匹

韓城縣東至黃河接山西省界二十五里

馬五匹馬夫二名半歲支銀一百六十三兩三錢八分六毫遇

閏加遞馬銀三十五兩五錢三分六釐內撥邊塘馬二匹馬夫一名。雍正七年裁馬

一匹九年買補一匹

白水縣東至澄城縣九十里西至同官縣一百二十里北至中部縣一百六十里

馬四匹馬夫二名歲支銀一百一十五兩二錢七分六釐遇閏

加遞馬銀一十九兩五錢六分七釐內撥邊塘馬二匹馬夫一名

同州東至朝邑縣三十里

馬三十匹馬夫一十七名歲支銀九百四十七兩八錢四分九

釐一毫遇閏加遞馬銀七十九兩二錢六分六釐內撥邊塘馬

名。雍正七年裁馬十六匹馬夫八名裁銀四百八十五兩九錢九分九釐五毫二絲裁支直銀八兩裁遇閏銀四十二兩二

錢七分五釐二毫七絲。十年撥邊塘馬一匹

朝邑縣東至黃河接山西省界二十八里

馬七十二匹馬夫三十九名歲支銀二千三百二兩三分七

三毫遇閏加通馬銀九十三兩九錢八分六釐

內撥邊塘馬二十九匹

五名。雍正七年裁馬三十九匹九年買補六匹實裁馬三十匹馬夫十六名半裁銀一千九兩二錢四分八釐一毫八絲

四忽三微二纖九塵裁支直銀三十二兩七分六釐裁遇閏銀四十三兩九錢七分一釐二毫七絲三忽二微二纖五塵。十

年撥邊塘馬二匹

東南路

西安府九十里至藍田縣

藍田縣

東南至商州二百一十里

馬一十四匹馬夫七名歲支銀四百一十三兩六錢遇閏加銀

八十五兩一錢七分四釐

內撥邊塘馬八匹馬夫四名。雍正十年裁馬四匹九年買補二匹實裁

馬二匹馬夫一名裁銀五十九兩九分八釐五毫七絲一忽四微二纖九塵六渺裁遇閏銀一十二兩一錢六分七釐七毫七絲二

忽

商州

南至山陽縣一百二十里東北至雒南縣九十里

馬十匹馬夫五名歲支銀二百八十七兩八錢三分一釐遇閏

陝西通志

卷三十六 驛傳

加銀四十四兩二錢八分三釐

內撥邊塘馬五匹馬夫二名半。雍正七年裁馬三匹九年買

補二匹實裁一匹馬夫半名裁銀二十九兩八錢七分三釐九毫五絲二塵四渺裁遇閏銀四兩四錢二分八釐三毫

山陽縣

南至湖廣鄖西界一百二十里

馬騾四匹頭馬夫三名歲支銀八十七兩四錢一分二釐二毫

五絲六忽一微六纖六塵六渺遇閏加銀一十一兩二錢八分

八釐

內撥邊塘馬二匹馬夫一名半。雍正七年裁騾一頭九年買補馬一匹

維南縣

東北至潼關驛一百五十里

馬三匹馬夫一名半歲支銀七十三兩二錢三分六釐六毫遇

閏加銀一十一兩八分二釐

內撥邊塘馬二匹馬夫一名

鎮安縣

南至洵陽縣二百八十里

馬六匹馬夫三名歲支銀一百三十四兩六錢四分六釐五毫

四絲七忽四纖八塵三渺四漠遇閏加銀五兩一錢七分七毫

雍正七年裁馬二匹馬夫一名裁銀四十四兩五錢一分七釐六絲六忽裁遇閏銀一兩七錢二分五厘六毫六絲六忽

洵陽縣西至興安州一百三十五里

馬一十二匹馬夫六名歲支銀二百八十二兩遇閏加銀一十

兩一分六釐

內撥邊塘馬九匹馬夫四名半。雍正七年裁馬一匹馬夫半名裁銀二十三兩五錢裁遇閏銀八

錢三分四釐六毫

興安州

西至漢陰縣一百八十里

馬三十匹馬夫一十五名歲支銀八百四十兩遇閏加遞馬銀

一十八兩六錢九分六釐

內撥邊塘馬二十一匹馬夫十名半。雍正七年裁馬五匹九年買補二

匹實裁三匹馬夫一名半裁銀八十四兩裁遇閏銀一兩八錢六分九釐六毫

漢陰縣

西至石泉縣九十里

馬二十四匹馬夫一十二名歲支銀五百六十四兩遇閏加遞

馬銀二十四兩八錢六分三釐

內撥邊塘馬二十一匹馬夫十名半。雍正七年裁馬一匹馬

夫半名裁銀二十三兩五錢
裁遇閏銀一兩三分六釐

石泉縣

西至洋縣二百三十里西
南至西鄉縣二百一十里

馬一十八匹馬夫九名歲支銀四百一十三兩遇閏加銀一十

四兩一錢五分二釐

內撥邊塘馬一十五匹馬夫七名半。雍正七年裁馬一匹馬夫半名裁銀二十三

兩五錢裁遇閏銀七錢八分六釐二毫



西安府七十里至涇陽縣 岔道

涇陽縣

西北至淳化縣九十里

馬四十六匹馬夫二十三名歲支銀一千六百三十四兩二錢

遇閏加遞馬銀二百一十兩九錢五分三釐

內撥邊塘馬八匹馬夫四名。雍正

七年裁馬二十三匹九年買補十匹實裁十三匹馬夫六名半
裁銀四百五十七兩六錢裁遇閏銀五十九兩六錢一分七釐

二毫三絲四微五纖。十年撥邊塘馬四匹

淳化縣

北至三水縣一百里

馬二匹馬夫一名歲支銀五十四兩四錢五分一釐遇閏加銀四兩四錢三分一釐

三水縣

北至慶陽府界五十里

馬二匹馬夫一名歲支銀三十九兩七錢四分六釐六毫三絲

二忽一微遇閏加銀五兩八分一釐

全撥邊塘

河南路

西安府七十里至鄠縣

鄠縣

西至盩厔縣八十里

馬六匹馬夫四名歲支銀二百一十三兩七錢九分六釐三毫

遇閏加銀三十六兩

內撥邊塘馬三匹馬夫二名。雍正七年裁馬一匹九年買補一匹又十年撥邊塘

馬一匹

盩厔縣

岔道。西至鄠縣一百里西北至武功縣五十里

馬六匹馬夫三名歲支銀一百七十八兩五錢五分遇閏加銀

三十一兩二錢五釐內撥邊塘馬三匹馬夫一名半。雍正七年裁馬一匹九年買補一匹又十年撥邊

塘馬一匹

西安府九十里至三原縣建忠驛

三原縣建忠驛在城知縣管理北至耀州順義驛八十里

馬四十匹馬夫二十名歲支銀一千四百二十三兩遇閏加銀

四十九兩九錢九分九釐內撥邊塘馬十匹馬夫五名。雍正七年裁馬二十匹九年買補十匹實

裁馬十匹馬夫五名裁銀三百五十二兩裁遇閏銀一十

耀州順義驛在城知州管理北至同官縣漆水驛七十里

馬一十八匹馬夫九名歲支銀五百二十六兩四錢內撥邊塘馬九匹馬

夫四名半

同官縣漆水驛在城知縣管理北至宜君縣雲陽驛九十里

馬一十八匹馬夫九名歲支銀五百三十六兩四錢內撥邊塘馬九匹